

(...)

Bonrrepause, testament

811

/e/

Au nom de dieu soit scaichent tous p(re)ns et advenir que l **an mil six cens vingt et neuf** et le **vingt et troiesme** jour du mois d()**octobre** avant midy **a villemur** diocese bas montauban et()seneschaucee de tholose regnant n(ot)re souverain et tres chrestien prince louis par la grace de dieu roy de france et de navarre, pardevant moy no(tai)re royal soubs(sig)ne et p(re)ns les tesmoingz bas nommes **dans la ma(is)on d(es) heretiers de feu jean gordon** ou la testatrix faict son habita(ti)on a este en personne berengonne bonrrepause **vefve de anthoine viguer**, laquelle estant dans ung lict a la chambre de lad(ite) ma(is)on dettenue dé maladie corporelle, mais par la grace de dieu en ses bon sans jugement memoire et cognoissance, bien voyant oyant et()parlant, ne scaichant l()heure qu()il plaira a dieu la rettirer de ce monde et po(u)r estre d()autant mieulx disposee a faict et ordonne son testament nuncupatif et derniere dis(positi)on de ses biens desirant recognoistre et gratiffier ceulx dé qui elle a reçeu et recoit service et ce en la forme suivante en premier lieu lad(ite) bonrrepause testatrix s()est recommandee a dieu et l()a supplie luy vouloir pardonnet ses peches, voulant qu()incontinent apres son deces son corps soit enevelé selon l()ordre de la religion catholicque romaine au cimetiere de s(ain)t jean de villemur et qu()il soient appellees lé jour de sa sepulture neufvaine et bout d()an trois p(rest)bre

chacque fois et baillé une livre chandelles de cire le jour de sa sepulture autant la neufvaine et fin de l()annee par son heretiere bas nommee item donne et legue lad(ite) testatrix a **marie gourdone fille dud(it) feu jean et de feu jeanne viguere sa fille** po(u)r l()amitye qu()elle luy porte et pour n()avoir icelle jamais rien reçeu de ses biens scavoir est la somme de quarente livres ung lict garny de coette et coissin use remply de plume et une couverte blanche aussi usee ensemble deux robes drap qu()elle a et qui snt usees lesquelles deux robes seront deslivrees a lad(ite) marie incontinent apres le deces de la testatrix po(u)r s en pouvoir servir et po(u)r la(ite) somme de quarente livres coette coissin et couverte lad(ite) testatrix charge **jeanne gordone femme de barthelemy fauré** son heretiere **sa petite fille, soeur germaine**

de lad(ite) marie luy payer lors qu()elle se collocquera en mariage et non au(tr)ement car en cas elle decederoit avant de sé marier led(it) leguat demeurera comme po(u)r non advenu et personne ne pourra rien demander a lad(ite) **jeanne gordonne heretiere**, declaire lad(ite) testatrix que **jean gordon marchant de montauban anthoine gordon marchant de tholose robert et()jean gordon jeune & ysaac gordon f(re)res filz aussi dud(it) feu jean et de lad(ite) feu jeanne viguere** ont eu et rettiré de ses mains beaucoup d()argent qu'elle avoit ou a employé pour leur nourriture et entretien se que neanmoingz ilz luy ayent jamais aciste

812

ny tesmoigne aucune amityé et par ainsi lad(ite) testatrix veult que moyennant les fournitures qu()elle a faicttes po(u)r eulx tant po(u)r leur nourriture que au(tr)ement et argant qu()ilz tiennent d()elle ce qu()elle entend et veult que son heretiere ne leur puisse demander en facon quelconque que aussi eulx ne puissent rien prethendre ^° sur ses biens et heredite a sad(ite) heretiere et parellement lad(ite) testatrix ordonne que]les[**françoise dalbiere fille de ramond et de feu anne viguere sa fille** ne puisse rien prethendre sur ses biens et heredite ne luy laissant pour tout droict que cinq soulz et ce d()autant que lad(ite) feu anne avoit rettire beaucoup de comodites d()elle sans qu()il appareust ./ . si declaire lad(ite) bonrrepaue po(u)r la descharge de sa conscience avoir rettire des mains dud(it) barthelemy faure mary de lad(ite) **jeanne gordonne h(eriti)ere** sa petite fille la somme de deux cens vingt livres par luy receue dud(it) ramond dalbiere sur la somme de trois cens quatre livres scetze solz en laquelle /il/ luy estoit attenu pour les causes contenues au **contract d()accord entre led(it) dalbiere et led(it) faure** comme ayant charge d()elle passé **receu par m(aîtr)e granger no(tai)re de buzet** dont lad(ite) bonrrepaue avoit faict **quittance** aud(it) faure de la somme de cent cinquante livres receue par moy d(i)t no(tai)re **le vingt et troisieme juing dernier** depuis laquelle quittance led(it) faure a receu dud(it) dalbiere la somme de septante livres laquelle

lad(ite) bonrrepaue a rettirée de ses mains sy que de lad(ite) somme de deux cens vingt livres a quoy montent lesd(ites) deux sommes lad(ite) bonrrepaue en quitte et descharge led(it) faure et veult que rien ne luy soit demande et en tous & chacuns ses biens noms droictz veoix et actions lad(ite) bonrrepaue testatrix a faicte et nommee de sa bouche po(u)r **son heretiere universelle et generale** lad(ite) **jeanne gordonne sa petite fille femme dud(it) faure** laquelle veult que recullisse tous les m(e)ubles debtes et cabaux que sont

et()se pourroit trouver appartenir a l()heredite dud(it) **feu
vigner son mary** de()quoy il luy donna faculte de
disposer par **son dernier et valable testament receu
par feu** m(aître) **jean custos** vivant no(tai)re dud(it) villemur
pour du tout en pouvoir fere et disposer a ses
plaisirs et volontes a()la vie et a la mort et tel
a dict lad(ite) bonrrepause estre son testament et
derniere disp(osition) nuncupatifve que veult que vai[lle]
par droict de testment codicille donna(ti)on et par
tout au(tr)e droict uz stil et coustume que mieulx
pourra valloir, cassant revocuant et annullant
tous les testamans qu()elle pult avoir cy devant
faictz affin que le present sorte a son
plain et entier effect sy a pries les tesmoingz
par elle recogneus d()estre memoratif de sa
volonte po(u)r en cas de besoing en rendre
tesmoignage et a moy no(tai)re m()a requis

813

luy en rettenir instrument ce qu()ay faict ez
presences de jean malaret gabriel et jean malpelz
f(re)res teyssiers geraud blancquiere signes, guill(aum)e malaret
forgeron jean vert dit naudé et pierre chambert travaille[eurs]
de villemur habit(ant)z ne scaichant ny lad(ite) testatrix et moy
no(tai)re requis ./ . ^° ny demander

Grabiel Malpel

Malaret, p(rese)nt

J. Malpel

Blacquiere, p(rese)nt

Esteverin, not(air)e r(oyal)